


Փաստ. անվանումը	ԵՄՀ հետազոտական գործունեության խթանման դրամաշնորհների տրամադրման
Փաստ. N	ԵՄՀ/ԸԿ-ԾՄ-04-01
Հաստատման ամսաթիվը	12/12/2014
Արձանագրության N	
Հաստատող մարմինը	Գիտական խորհուրդ
Անուն/Ազգանուն/ Պաշտոն	Սուրեն Օհանյան
Ստորագրություն	



ԿԱՐԳ

ԵՄՇ հետազոտական գործունեության խթանման դրամաշնորհների տրամադրման

1. Ընդհանուր դրույթներ

1.1 Սույն Կարգը սահմանում է ԵՄՇ-ի հետազոտական գործունեության ձևերից մեկի՝ հետազոտական ծրագրերի աջակցմանն ուղղված դրամաշնորհների տրամադրման կարգն ու պայմանները:

1.2 Ներքուհական դրամաշնորհների նպատակներն են՝

- ✓ ժամանակակից գիտության առավել կարևոր, արդիական ուղղություններով ակադեմիական աշխատակազմի գիտահետազոտական գործունեության ակտիվացումը,
- ✓ արդյունավետ աջակցություն գիտամանկավարժական կադրերի պատրաստմանը և պրոֆեսորադասախոսական կազմի գիտական որակավորման բարձրացմանը,
- ✓ առավել ընդունակ ուսանողների և սսպիրանտների՝ ներգրավումը գիտահետազոտական և/կամ հետազոտական աշխատանքներում,
- ✓ գիտահետազոտական աշխատանքների արդյունքների լիարժեք և արդյունավետ կիրառումը կրթական գործընթացում, համալսարանի գիտական ներուժի մեծացման, հանրապետությունում առկա հիմնախնդիրների հետազոտմանն ու լուծմանն ուղղված առաջարկությունների մշակման գործում
- ✓ խթանել հետազոտություն-աշխատաշուկա կապը
- ✓ խթանել հետազոտություն-քաղաքացիական հասարակություն կապը

2. Դրամաշնորհների մրցույթի կազմակերպումը

2.1 Դրամաշնորհների մրցույթը հայտարարվում է ԵՄՀ-ի ռեկտորի հրամանով յուրաքանչյուր տարի:

2.2 Դրամաշնորհի ֆինանսավորումը տրամադրվում է ռեկտորի հրամանով յուրաքանչյուր տարի:

2.3 Մրցույթին կարող են ներկայացվել հիմնարար և կիրառական գիտահետազոտական, ինչպես նաև հետազոտական նախագծերի հայտեր:

2.4 Հայտերի գնահատման չափանիշներն են՝

- ✓ հետազոտության թեմայի արդիականությունը,
- ✓ հետազոտության արդյունքների սպասվելիք գիտական և/կամ հետազոտական նշանակությունը,
- ✓ հետազոտության արդյունքների իրացման նշանակությունը,
- ✓ հետազոտության մեթոդաբանության և մեթոդների հիմնավորվածությունը և արդիականությունը

* Ասպիրանտների ներկայացրած նախագծի թեման չպետք է նույնանա նրա ատենախոսության թեմայի հետ:

- ✓ հետազոտական գործիքակազմի թեմատիկան և ընդհանուր բնութագիրը
- ✓ անհատ հետազոտողների և հետազոտական թիմերի անդամների փորձառությունն ու կարողությունները
- ✓ ֆինանսական ծախսերի հիմնավորվածությունը,
- ✓ հայտի պատրաստման որակը. շարադրման գրագիտությունը և հաջորդականությունը, հիմնավորվածությունը, ներկայացվող պահանջներին հայտի բովանդակային համապատասխանությունը,
- ✓ հայտի և կից փաստաթղթերի անբողջականությունը, հայտի ներկայացման ժամկետը:

2.5 Դրամաշնորհային մրցույթի հայտարարումից հետո դրամաշնորհի պահանջներն ու պայմանները ներկայացնելու նպատակով Հետազոտության և զարգացման կենտրոնը մեկ ամսվա ընթացքում կազմակերպում է սեմինար:

2.6 Մրցութային ընտրության անցկացման համար ռեկտորի հրամանով ստեղծվում է ներհամալսարանական դրամաշնորհների մրցութային հանձնաժողով (այսուհետ՝ մրցութային հանձնաժողով), որի կազմը յուրաքանչյուր տարի հաստատվում է ԵՄՀ-ի գիտական խորհուրդը:

2.7 Մրցութային հանձնաժողովի կազմավորման և գործունեության իրականացման պատասխանատուն է Հետազոտության և զարգացման կենտրոնը:

2.8 Մրցութային հանձնաժողովը հայտերը ստանալուց հետո 15 օրվա ընթացքում

- ✓ հաստատում է մրցութին թույլատրված հայտերի ցանկը՝ վերը նշված պահանջներին համապատասխան,
- ✓ հաստատում է փոձագիտական խորհրդատվական խմբի կազմը և փորձաքննության է ուղարկում ներկայացված հայտերի նախագծերը:

2.9 Հայտերի փորձաքննության համար սահմանվում է մեկ ամիս:

2.10 Մրցութային հանձնաժողովը փորձաքննության արդյունքները ստանալուց հետո 10օրյա ժամկետում

- ✓ ուսումնասիրում և քննարկում է փորձագետների եզրակացությունները և երաշխավորությունները,
- ✓ անհրաժեշտության դեպքում սահմանում է կրկնակի փորձաքննություն՝ սահմանելով լրացուցիչ ժամանակահատվածը,
- ✓ գաղտնի քվեարկությամբ որոշում է կայացնում դրամաշնորհների տրամադրման վերաբերյալ:

2.11 Մրցութային հանձնաժողովի որոշման հիման վրա ԵՄՀ-ի ռեկտորի կողմից ընդունվում է հրաման հաղթողներին դրամաշնորհներ շնորհելու մասին:

3. Դրամաշնորհային մրցույթին դիմելու կարգը

3.1 Դրամաշնորհների մրցույթին կարող են ներկայացվել թիմային կամ անհատական հետազոտական հայտեր, որոնք պատրաստվել են ԵՄՀ-ի ակադեմիական աշխատակազմի, ինչպես նաև ուսանող-դասախոս համատեղ թիմերի կողմից:

- 3.2 Յուրաքանչյուր թիմային նախագծում կարող է լինել մեկ ղեկավար: Յուրաքանչյուր թիմ կամ անհատ կարող է ներկայացնել միայն մեկ նախագծի հայտ: Անձը, որը հանդես է գալիս որպես նախագծի հայտ ներկայացրած խմբի անդամ, չի կարող առանձին հայտ ներկայացնել տվյալ տարվա հայտարարված դրամաշնորհի շրջանակներում:
- 3.3 Ծրագրի/հետազոտության տևողությունը չպետք է գերազանցի մեկ տարին:
- 3.4 Մրցույթի հայտերը պետք է ներկայացվեն հայերեն լեզվով ըստ սահմանված ձևի (Հավելված 1): Հայտում ներկայացվում են հետազոտության հեղինակի (հետազոտական խմբի ղեկավարի) և ծրագրում ներգրավված այլ բոլոր անձանց անուններն ու կենսագրական տվյալները (CVs), ինչպես նաև առաջարկվող ծրագրի մանրամասն նկարագիրը:
- 3.5 Դրամաշնորհային ծրագրի իրականացման համար պահանջվող գումարի չափը որոշվում է ուսումնական տարվա առաջին գիտական խորհրդի նիստի ժամանակ և կարող է օգտագործվել առաջարկվող ծրագրի վարչական, ծրագրային և մարդկային ռեսուրսների ծախսերի համար:
- 3.6 Սույն կարգը չի վերաբերում այն հայտերին, որի աշխատանքների կատարումն արդեն ֆինանսավորվում է (լրիվ կամ մասնակի) այլ նախագծի շրջանակներում կամ այլ կազմակերպությունների կողմից:
- 3.7 Դրամական միջոցները տրամադրվում են յուրաքանչյուր ամիս որպես աշխատավարձի հավելավճար կամ կրթաթոշակ:
- 3.8 Դրամաշնորհատուն հաշվետվություն է ներկայացնում յուրաքանչյուր եռամսյակ Հետազոտության և զարգացման կենտրոն:
- 3.9 Հետազոտության և զարգացման կենտրոնը ապահովում է դրամաշնորհային ծրագրերի իրականացման հաշվետվողականությունը:
- 3.10 Դրամաշնորհների իրականացման մոնիտորինգն իրականացնում է՝ Հետազոտության և զարգացման կենտրոնը՝ ապահովելով դրամաշնորհատուների խորհրդատվությունը:
- 3.11 Դրամաշնորհի ստացած հայտատուներն առաջին դրամաշնորհի ծրագիրն ավարտելուց հետո կարող են նորից հայտ ներկայացնել դրամաշնորհի ստանալու համար, սակայն այդ հաջորդող ծրագիրը պետք է ակնհայտորեն տարբերվի ԵՄՀ-ի ֆինանսավորմամբ իրականացված առաջին ծրագրից: